

ADDENDA CONVÈNI

Vielha, 30 de noveme de 2021

AMASSADI

D'ua part eth senhor Juan Antonio Serrano Iglesias, Alcalde der Ajuntament de Vielha e Mijaran damb NIF numerò P2530400G, assistit pera Secretària dera Corporacion.

Der auta Sara Sánchez Borull ena sua condicion de Presidenta dera AMPA dera Escòla Garona de Vielha, damb NIF numerò G25052978.

MANIFÈSTEN

1èr. Qu'existís en Vielha era AMPA dera Escòla Garona de Vielha (dara endeuant AMPA), legaument constituïda, ubicada ena localitat de Vielha, ena Carretèra de Betren numerò 78. Era AMPA a coma objèctiu collaborar damb era Escòla Garona entà aufrir ua millhor qualitat educatiua.

2au. Qu'ei volentat der Ajuntament balhar supòrt economic entara crompa d'ordenadors entàs escolans de 3au.

3au. Er Ajuntament a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per acòrds des Plens de dates 26 de seteme de 2007, 22 de seteme de 2014 e 4 d'abriu de 2018. Aquesta Ordenança establís en sòn article 10 qu'es subvencions poderàn autrejear-se directament en quauqui casí, entre es quaus se trapen aqueri enes que s'acrediten arrasons d'interès public e sociau.

4au. Era Ordenança Municipau tanben establís que normaument er autrejament dirècte se formalizarà en un convèni.

5au. En data 13 de hereuèr de 2020 se signèc un convèni de collaboracion damb era AMPA entara ajuda ena crompa d'ordenadors entàs escolans de 4au per un impòrt de 3.500,00 èuros e s'a prorrogat entar exercici 2021.

6au. Eth 8 de noveme de 2021 era AMPA sollicite augmentar era assignacion d'aguest convèni entath cors escolar 2021-2022, dejà que peth Conselh Escolar s'aprovèc qu'es alumnes de 3au d'Educacion Primària tanben participen en programa Aran 1x1 e utilizaràn un ordenador.

7au. Per acòrd dera Junta de Govèrn Locau de data 23 de noveme de 2021 s'acordèc aprovar ua addenda ad aguest convèni entath cors escolar 2021-2022.

Peth tot çò, convien era presenta addenda e ar efècte establissen es següenti:

PACTES

PRUMÈR. Er objècte dera presenta addenda ath convèni de collaboracion signat entre er Ajuntament de Vielha e Mijaran e era AMPA dera Escòla Garona de Vielha, ei entà ajudar ena crompa d'ordenadors entàs escolans de 3au.

DUSAU. Qu'en marc d'aguesta addenda er Ajuntament collaborarà damb aguesta associacion damb ua subvencion per un import de 2.150,00 èuros, a cargue dera partida 2021-1-32301-48020-02.

TRESAU. Qu'era AMPA serà eth responsabla de destinar era totalitat de sòs ar objècte deth compliment dera presenta addenda.

QUATAU. Era AMPA justificarà ar Ajuntament eth destin dera subvencion, e aurà de presentar es factures e es rebuts des pagaments corresponenti, auments per un import deth doble dera subvencion autrejada, tanben presentaràn ua memòria des activitats realizades. S'aurà de dar compliment a çò mercat en article 8 dera citada ordenança.

CINCAU. Sense perjudici de çò dit anteriorment, er Ajuntament, e per miei dera Intervencion de Hòns Municipaus, a era potestat irrenonciabla d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauetat entara que s'autrejèc, tot çò en compliment der article 189 e 214 deth Tèxt Rehonut dera Lei reguladora des Isèndes Locaus.

SIESAU. Eth beneficiari aurà de hèr publicitat dera subvencion autrejada d'acòrd damb çò qu'establisson er article 31 deth Reglament dera Lei 38/2003, de 17 de noveme, General de subvenciones, e er article 16 dera Ordenança reguladora de subvencions. Cau hè constar en tota era documentacion, imprèsi, huelhetons o propaganda impresa deth programa, activitat, inversion o actuacion era expression: "*damb eth supòrt der Ajuntament de Vielha e Mijaran*".

SETAU. Era presenta addenda aurà ua vigéncia entath còrs escolar 2021-2022.

UEITAU. Es parts signatàries d'aguesta addenda s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

E en pròva de conformitat, ambdues parts signen era presenta addenda per duplicat e a sonque un efècte, e en lòc e data nomentadi.

JUAN ANTONIO SERRANO IGLESIAS

SARA SÀNCHEZ BORRULL

Alcalde

Presidenta der AMPA

Ath deuant mèn
PILAR HERVADA VIDAL

Secretària der Ajuntament